

Pengajaran yang terdapat dalam penghijrahan Nabi dan Para Sahabat ke Madinah.

1) Menjadikan doa sebagai senjata.

Rasullulah adalah manusia yang mempunyai keyakinan yang tinggi kepada Allah S.W.T. Keyakinan baginda dapat di lihat melalui perbuatan baginda. Semasa Rasullulah SAW dan Saidina Abu Bakar keluar dari Gua Thur menuju Mekah, mereka telah di kejar oleh Suraqah Bin Malik dan beberapa orang Quraisy dengan menaiki kuda. Apabila Rasullulah SAW mengetahui Suraqah bersama beberapa orang Quraisy tersebut telah sampai dekat dengan tempat mereka berlindung, Rasullulah SAW segera berdoa kepada Allah memohon agar baginda dan para sahabat di selamatkan dari mara bahaya. Baginda Berjaya mengalahkan Suraqah berkat doa kepada Allah. Kaki kuda Suraqah terbenam dalam pasir dan mengakibatkan dia terjatuh.



2) Perancangan yang baik.

Tanpa perancangan yang teratur sesuatu rancangan tidak dapat di laksanakan dengan baik. Rasullulah adalah seorang yang sangat bijak dan pandai mengatur strategi dalam peperangan. Untuk mengelak daripada di bunuh oleh Kafir Quraisy, Rasullulah telah keluar dari rumahnya seawall pagi dan menggantikan tempat tidur nya dengan **Ali Bin Abi Talib**. Hal ini bukan sahaja dapat menyelamatkan baginda daripada di bunuh tetapi dapat mengelirukan para pembunuh iaitu orang Kafir Quraisy. Selain daripada itu, baginda telah menggunakan jalan yang berlainan untuk mengelirukan musuh dan berhenti di Gua thur untuk menenangkan keadaan. Semasa di sana, Aishah dan asma lah yang menjadi pembekal makanan kepada baginda dan para sahabat.

وَمَكَرُوا وَمَكَرَ اللَّهُ وَاللَّهُ خَيْرُ الْمَاكِرِينَ

"Kita merancang , Allah merancang . Dan ketahuilah , Allah sebaik baik perancang "

3) Rintangan dalam setiap ujian mahupun perubahan.

Untuk melakukan sesuatu perubahan , kita perlu melalui beberapa rintangan serta cabaran yang terpaksa kita hadapi. Begitu juga dengan Rasullulah SAW. Baginda bercita-cita untuk membuat satu perubahan bagi menyampaikan syariat islam ke seluruh pelusuk muka bumi. Akan tetapi cita-cita baginda itu sangat lah tidak di sukai oleh masyarakat kafir Quraisy. Dan mereka merancang untuk membunuh Rasullulah SAW sekali gus melenyapkan cita-cita baginda. Menyedari akan perkara tersebut, rasullulah sentiasa bersedia dan merancang setiap tindakan baginda.

إِنَّمَا يُوفَّى الصَّابِرُونَ أَجْرَهُمْ بِغَيْرِ حِسَابٍ

"Sesungguhnya, hanya orang-orang yang bersabarlah yang dicukupkan pahala mereka tanpa batas." (QS. Az-Zumar : 10)

www.pesantrenkaliwungu.com

4) Menggunakan peluang yang ada dengan sebaiknya.

Setelah menyadari peluang yang ada untuk mencapai cita-cita menyebarkan agama Islam dengan lebih baik, Rasulullah SAW mengambil keputusan untuk berhijrah. Baginda telah menggunakan peluang yang ada sebaiknya ketika berada di Kota Madinah. Baginda mendapat jemputan dari masyarakat Arab Madinah untuk memimpin dalam memulihkan ekonomi, selain itu baginda di beri peluang untuk mendamaikan masyarakat Madinah yang sering bertelagah. Rasulullah SAW juga dapat menyebarkan Agama Islam dalam suasana yang lebih aman selepas mendapat tentangan kuat dan hebat dari kafir Quraisy Kota Mekah. Oleh kerana kedudukan Kota Madinah yang strategik iaitu terletak dalam laluan perdagangan penyebaran Agama Islam dapat dengan lebih cepat atas faktor ekonomi, politik dan social umat Islam yang stabil.

5. Menghargai sahabat dan saudara sesama islam.

Sahabat amat diperlukan dalam menggapai impian dan mencapai kejayaan. Sayidina Abu Bakar As-Siddiq merupakan salah seorang daripada sahabat Rasulullah SAW. Beliau sentiasa berjalan di depan dan belakang baginda untuk melindungi baginda dalam mencapai cita-cita sahabatnya. Selain daripada Sayidina Abu Bakar As-Siddiq, Sayidina Ali Bin Abi Talib juga merupakan sahabat kepada Rasulullah SAW. Beliau sanggup menggantikan baginda di tempat tidur semata-mata untuk mengelirukan pembunuh kafir Quraisy yang ingin membunuh Rasulullah SAW.



6- Mengharapkan keredhaan Allah S.W.T semata-mata.

Semasa penghijrahan Rasulullah SAW dan para sahabat , banyak dugaan serta cabaran yang terpaksa mereka lalui. Akan tetapi semua dugaan dan cabaran dapat di lalui dan di harungi dengan baik tanda sedikit pun dapat mengugat keimanan mereka terhadap Allah S.W.T. Syaidina Abu Bakar As-Siddiq r.a bersedia untuk beramal kerana Allah dalam apa jua situasi dan pada setiap waktu dan tempat. Perkara yang paling utama dalam hidup beliau adalah keredhaan Allah s.w.t dan rasul-Nya. Tidak wujud dalam hidupnya perkataan 'zuruf' (situasi), bahkan beliau mengabaikan situasi yang berlaku dalam hidupnya kerana wujudnya situasi yang lebih besar, iaitu amal, usaha, pengorbanan dan jihad di jalan Allah s.w.t.



8- Kita juga dapati betapa cintanya Abu Bakar r.a kepada Rasulullah s.a.w dan bagaimana beliau tidak menunggu arahan ataupun permintaan, malah beliau berusaha dalam membuktikan cintanya kepada Rasulullah s.a.w dengan menyediakan tunggangan, menangis akibat gembira dipilih menjadi teman hijrah baginda, membersihkan gua, berjalan di depan dan belakang baginda bagi menjaga baginda, dan banyak lagi.

Beliau mencintai Rasulullah s.a.w dengan ikhlas, dan cinta kepada Rasulullah s.a.w adalah satu kewajipan. Barangsiapa yang mengutamakan cinta lain berbanding cinta kepada Rasulullah s.a.w, maka dia berada dalam bahaya yang besar. Sabda Rasulullah

s.a.w: “Tidak beriman salah seorang dari kamu sehingga aku lebih dia cintai berbanding ayahnya, anaknya dan manusia seluruhnya” (Riwayat Bukhari dan Muslim).

9- Pemberian dan infaq As-Siddiq r.a, beliau mengambil 5000 dirham yang merupakan seluruh hartanya untuk dibelanjakan demi dakwah. Sebelumnya beliau membelanjakan 35000 dirham di jalan Allah, kemudian dia terus menginfakkan hartanya di Madinah, dan ketika beliau menjadi khalifah, dan ketika beliau di pembaringan menanti maut. Sesungguhnya beliau r.a telah membeli syurga, dan pemuda yang memiliki sifat seperti ini berhak diredhai oleh Allah: “Dan (sebaliknya) akan dijauhkan (azab neraka) itu daripada orang yang sungguh bertaqwa, yang mendermakan hartanya dengan tujuan membersihkan dirinya dan harta bendanya, sedang ia tidak menanggung budi sesiapaupun, yang patut di balas, hanyalah mengharapkan keredaan Tuhannya Yang Maha Tinggi. Dan demi sesungguhnya, ia tetap akan berpuas hati (pada hari akhirat, dengan mendapat segala yang diharapkannya)” (Al-Lail: 17-21).

10- Tidakkah anda lihat bagaimana As-Siddiq r.a menggunakan seluruh keluarganya di jalan Allah? Beliau menggunakan anak lelakinya Abdullah untuk menyampaikan berita-berita, menggunakan Asma' anak perempuannya untuk membawa makanan dan minuman, menggunakan Amir bin Fuhairah hambanya untuk menyembunyikan kesan-kesan tapak kaki. Sesungguhnya As-Siddiq r.a telah memindahkan cintanya terhadap dakwah ni kepada ahli keluarganya. Malangnya sesetengah pendakwah menghidap penyakit 'uzlah dari keluarga'. Kita dapati mereka sangat aktif di luar rumah, kemudian mereka tidak melibatkan orang yang paling rapat dengan mereka untuk beramal demi Allah s.w.t., mereka tidak berusaha untuk membuatkan ahli keluarga mereka turut merasai kemanisan iman seperti yang mereka rasai. Ini merupakan satu salah faham yang amat besar dan pengabaian aulawiyat yang sangat dahsyat. Maka belajarliah daripada Abu Bakar r.a dan ingatlah: “Setiap kamu adalah pemimpin, dan setiap kamu akan dipersoalkan (dipertanggung jawabkan) tentang rakyatnya”.